

宋

會

要

舉賢良方正能直言極諫等科

皇祐元年七月二十八日

命觀文殿學士丁度知制誥稽顙李絢直龍圖閣王洙

就秘閣考試制科度等上吳奎論六首

損益弗違之吉孰先教詩以六

德為本三有俊克即俊因神以明道經

延壽楊阜人不忍欺優劣聖人文質論八月二十日上封

者言伏見國家每設制科以收賢材中選之後多至大

用以此知不獨取於刀筆蓋將觀其器能也舊制秘閣

先試六論合格者然後御試策一道先論者蓋欲探其

博學後策者又欲觀其才用近來御前所試策題其中

多問典籍名數及細碎經義乃是又重欲探其博學竟不能不觀其才用豈朝廷求賢之意耶欲乞將來御試策題中止令問事關治亂體繫安危用之則明昌捨之則微弱往古之已試當今之可行者十餘條限三千字已上成所對人若文理優長試慮深遠其言真可行於世其論果有補于時者即為優等若是文意平常例無可采者即為末等量與恩澤所有名數及細碎經義更不詳問如此則不為空言可得實效詔撰策題官先問治亂安危大體其餘所問經史名數自依舊制 十四日帝御崇政殿試賢良方正能直言極諫殿中丞吳奎制策曰朕祇畏天明以臨萬寓陟降在上日監在茲至

於禮樂政教刑辟威獄罔弗是憲以起大治故親策俊
良及此而六宜謂得人之盛無媿古先且欲詢變化之
道而知神之所為求述作之原而察聖明之所本燭理
於昧圖^危要於安子大夫窮天人之端識治亂之兆其恭
聽朕命著之敷言書曰在知人在安民能哲而惠惟帝
其難朕惟取群材以班庶職而才有未叙職有未修何
也愛育兆民若視赤子賦不加重而人已匱役不奪時
而衆已困哀薄益厚貧富不均何也記曰禮樂刑政四
達而不悖則王道備矣朕勅天之秩寅庸五禮因民之
和考正大樂未有露泉象物之感何也慎令詳刑允於
出納無有師保如承祭祀尚非有耻且格之應何也向

若大河決溢水不順道較財僞力將議堙補而年穀不
登人用流轉軍師屯防無事而厚費不給姦宄盜寇有
時而竊發弗禁求之曩倫其咎安在彼劉毅損難之議
唐官善最之目周人荒政之數管氏版法之經禮樂所
損益者孰知刑罰世輕重於何代東漢而上塞河之術
安從西魏以先為兵之制奚見酌古之利屬今之宜別
白以言無悼患害奎策考入第四等詔以為太常博士
通判陳州 五年八月初三日命觀文殿學士高若訥
王舉正端明殿學士楊察直史館專詢就祕閣考試制
科若訥等上趙彥若論六首

哲人惟刑貸以國服息五
官為上公舜明庶物治天

下審所尚施孟梁
年易學如何論

十五日帝御崇政殿策試賢良方正

能直言極諫太常寺太祝趙彥若制策曰蓋聞治古之
隆民風淳王道易心通誠孚而天下之理得是以六氣
順三光明稷厲屏釐祥臻羣靈豫安諸產茂嘉朕甚慕
焉後世寢薄智偽日滋為君者難習俗多弊故善氣罕
應而陰陽虧和朕承祖宗之休執天地之政深惟大器
至重大麓至繁寅威兢業罔敢暇豫所懼明有未燭道
有未昭天時舛宜民業重困故間歲下詔舉達學絕才
之士以直言補闕子大夫懷業優博盛年為舉首期有
以荅揚精微闡論朕志夫王者之道有統有運有文有
質歷世之序或悠或促豈所遭之時不同抑所尚之術
有異者邪五帝夏遠弗可得詳三代縣永其規足術二

漢以降七制為美暨鼎列南北光靈不競陵夷至于唐
室正觀開元之主接軫於二百年間大盜三發不絕如
綫五季之末極窮而復皇天眷我烈祖之丕命二聖繼
武重光協華肆朕繼承彌越三紀未嘗一喜怒以賤刑
賞一奢欲而耗財用一偏聽以拂諫諍一力役以奪民
務虛心至懷率蹈公路蓋欲大先猷而恢帝步也何則
比年以來星躔爽行蠻夷驟犇烈風迅雷間成驚暴河
流坤載頃常震溢蟲旱作沴風俗寢漓居位者或拱嘿
以養名懷道者或隱身而遜志人力尚屈王澤未流夙
宵浩然若涉淵水今欲遠鑒列古興壞之本近迹當世
得失之宜上求天端消復變眚下革時弊化行忠厚使

大臣亮而小臣力仁惠浹而氓細紓嗚呼何道而臻此
邪子大夫其詳之著之茂之明之副朕觀覽又王政之
急在知人在齊俗在務本在阜財經之以文物輔之以
武事而治具備矣然而砥砭類玉蕭糧亂穡能哲而惠
惟帝攸嘆侈縱犯上貧富正等流弊日久於變甚難四
人之生常屈於倚來之士九歲之蓄未逮於三登之年
伊欲任忠而判邪敦風而軌俗因財理以辨人物則九
偏七似或虛於大煩尚法制以正上下則六柄四位未
知其安執稽任地授田之職以限農畝可適于乎設平
準均輸之令以御物貨果便于世乎仲舒之明情性賈
誼之言國體於道孰粹管氏之陳七法荀卿之條六術

論兵誰至商因夏禮所因者何文漢雜霸道所雜者何
迹至於今世之務最切者何事前朝之政可循者何規
既往之失孰者宜懲將然之虞奚者宜備子大夫其悉
意極慮正辭以陳興自朕懷母憫有司彥若策考不入
等而罷 嘉祐二年六月十九日詔曰國家之所以為
國者以有士也豈有挾其所取之路而輕其所付與哉
士之所以為士者以有道藝行誼也豈可不自重愛而
顯於進取哉古先帝王之於士審於所求而裕於所用
詩云翹翹錯薪言刈其楚審於其所求也濟濟多士文
王以寧裕於其所_用也朕承祖宗之休思與天下之士
偕之至治故設賢良而下凡九科其取之豈一路哉每

一詔下而應書者不過數十人中選者才一二豈有司
課試之未精而或有遺逸邪抑士不自勵以自取棄邪
此皆非朕之所以待天下士之意也自今太常博士而
下充臺省閣職及提點刑獄以上差使選人不限有無
考第并草澤人並聽待制以上奏舉即不得自陳內草
澤人並許本路轉運使採察文行保明奏舉如程文荒
淺中選才行不如所舉並坐舉者有司務精考校以廣
搜羅毋致遺逸其初中選所推恩命別加裁定厥後須
視才行能否差次進用不得更援舊比無名超擢餘從
舊制布告中外明諭朕指制詳議及孫登等上議乃降
詔八月七日命三司使張方平龍圖閣直學士陳升之

知制誥吳奎直祕閣王疇就祕閣考試制舉科方平等

上王彰夏噩論各六首

設卦以盡情偽德者性之端作稽中德君子知微知顯周寔助

法兩漢儒林治經孰深論

十九日帝御崇政殿試賢良方正能直言

極諫祕書丞王彰材識兼茂明於體用明州觀察推官

夏噩制策曰朕纘祖宗之洪業撫區夏之重器臨政思

治于茲三紀何嘗不中夕惕厲昧旦丕顯延訪茂士詢

求謹言冀臻治平以垂久大子大夫褒然充賦咸造在

庭得不欲攄發智蘊開沃朕心邪方今庶務小康至化

猶鬱兵戎雖戢餽餉頗勞學校雖興禮讓殊鮮官冗而

浮食者衆民疲而失職者多陰陽爽和普沴間作經瀆

弛於常道淫雨溢於舊防賦調尚繁昏墊靡息豈朕明

有未燭德有未孚致咎之來在予為懼自昔繼體守文之君承前聖之烈籍累世之資致圉空之隆騰頌聲之美惟建武中興極修文德正觀特起驟致太平豈天時之協符將人事之胥濟功業遲疾奚其不同側席求懷望古盈愧夫聖王之制世也必本仁義之統帥道德之說飾以儒雅頒其教令尋孝宣之治尚於刑名迹顯宗之政本於理法當二后之際信賞必罰刑清國富鳳凰屢下於郡國神雀比集於京師致茲美祥繫何然哉今公卿大夫與朕總萬畧美風俗而吏治未甚淳民德未甚厚豪右踰制姦猾冒禁以至守宰之任循良罕聞尉傳侈於使客繇役迫於下貧始有愁嘆之聲未弭鬻堙

之氣豈躬化之弗類而圖治之匪章歟昔晁錯舉於賢
良公孫對以文學深陳政道並先術數仲父治國之器
內史詔王之柄咸垂格訓當安設施至于春秋之稱一
元洪範之推九類何行而正其本何施而建其極子大
夫習先聖之術熟當世之務識古今王事之體究天人
精祲之原思所以蕩饑致祥革弊興利受冊應問咸以
正對毋諱有司稱朕詳延之指焉詔策考入第四等彰
不入等詔詔為光祿寺丞詔既磨勘自當改著作佐郎
又對策第四等宰相富弼以親嫌而裁之三年閏十
月十二日詔自今制科入三等進士第一人及第並除
大理評事簽書兩使幕職官廳公事或知縣代還陞

張字疑誤

通判再任滿與試館職制科入第四等進士第二等第
三等入並除兩使幕職官代還改次等京官送審官院
制科入四等次進士第四第五人並除試御知縣任滿
送流內銓與兩使職官鑠廳人比類取旨 四年七月
二十六日命翰林學士吳奎權御史中丞韓絳知制誥
范鎮起居舍人知諫院范師道就秘閣考試制科奎等
上陳舜俞錢藻汪輔之論各六首華致考饗魚羅廢則
法度缺漢制因時之
宜阜陶叙九德君子所
養徐有功比干張論 八月十三日帝御崇政殿試材
識兼茂明於體用明州觀察推官陳舜俞賢良方正直
言極諫宣州旌德縣尉錢藻汪輔之制策曰朕承先聖
大業守天下重器兢兢萬務肝而後食進見公卿師尹

侍
疑
佇

與圖試事復延方正茂異之材以咨治道思欲躋時於
仁壽昭前之光明三紀于茲策問者八矣子大夫褒然
來思造庭待對必有奇論進當虛待夫天地之道帝王
之功豈非久而成哉今朕志治而來洽躬化而未孚飾
禮而教未馴制樂而功未章法用中典而刑辟未措賦
從薄斂而頌聲未作山澤畢入而倉府未充邊塞既寧
而轉餉未息災害或作盜賊間興必世而後仁將非妄
歟重以承五代之交喪歷百年之全盛官制殊駁吏員
大溢文昌之職不遷於中臺京師之官猶莅於外任必
也正名重於改作伊欲用夏之忠營救時弊可條其施
設參漢之制斤去霸道試陳其用舍省方之礼廢將受

郡國之計以勸其風俗何以使人知耻格而俗識廉讓
底績之法弛將書內外之考以課文武何以使吏稱其
職而官宿其業北方厚戍欲收三品之更以贍屯衛得
無有加賦之譏乎南徼屢警欲按五管之略以經蠻夷
得無有留兵之費乎書法不隱春秋所諱有四議事以
制甫刑其罰且千申韓之原道家理將安在遷固之贊
循吏義有不同災害消復之原水旱變正之術洪範之
禦六沴皇極之斂五福馴致之宜必有其要子大夫講
於上古之學通於經世之務蘊蓄有素詳定在茲悉心
以陳輔朕不逮舜俞等制策並考入第四等詔舜俞為
秘書省著作佐郎藻為秘書省校書郎無為軍判官輔

之雖同人等而言者以無士行而罷之 六年八月十

七日命翰林學士吳奎龍圖閣直學士楊政權史中丞

王疇知制誥王安石就秘閣考試制科奎等上王介蘇

軾蘇轍論各六首

王者不治夷狄禮以養人為既醉備萬

福形勢不二十五日帝御崇政殿試賢良方正能直言

極諫者著作佐郎王介河南府福昌縣主簿蘇軾河南

府澠池縣主簿蘇轍制策曰朕承祖宗之大統先帝之

休烈深惟寡昧未燭於理志勤道遠治不加進夙興夜

寐于茲三紀朕德有所未至教有所未孚闕政尚多和

氣成蠶田野雖闢民多亡聊邊境雖兵不得轍利入已

浚浮費彌廣軍冗而未練官冗而未澄庠序比興禮樂

未具戶罕可封之俗士忽廉讓之節此所以訟未息於
虞芮刑未措於成康意在位者不以教化為心治民者
多以文法為拘禁防繁多民不知避叙法寬濫吏不知
懼累繁者衆愁嘆者多仍歲以來災異數見乃六月壬
子日食于朔淫雨過節愎氣不效江河潰決百川騰溢
永思厥咎深切在予變不虛生緣政而起五事之失六
沴之作劉向所傳呂氏所紀五行何修而得其性四時
何行而順其令非正陽之月代鼓救變其合于經乎方
盛夏之時論囚報重其考於古乎京師諸夏之根本王
教之淵源百工淫巧無禁豪右僭差不度治當先內或
曰何以為京師政在摘姦或曰不可撓獄市推尋前世

探觀治迹孝文尚老子而天下富殖孝武用儒術而海
內虛耗道非有弊治奚不同王政所由形於詩道周公
幽詩王業也而係之國風宣王北伐大事也而載之小
雅周以冢宰制國用唐以宰相兼度支錢穀大計也兵
師大衆也何陳平之對謂當責之內史韋賢之言不宜
兼於宰相錢貨之制輕重之相權命秩之差虛實之相
養水旱畜積之備邊陲守禦之方圜法有九府之名樂
語有五均之義富人強國尊君重朝弭災致祥改薄從
厚此皆前世之急政而當今之要務子大夫其悉意以
陳毋悼後害軾策入第三等介入第四等轍入第四次
等詔軾為大理評事僉書鳳翔府判官公事介為祕書

承知通州靜海縣轍為商州軍事推官文獻通考石林

科分五等上二等皆虛惟以下三等取人然中選者亦

皆第四等獨吳正肅公嘗入第三等後未繼者至嘉

祐中蘇子瞻子由乃始皆入第三等已而子由以言以太

直為考官胡武平所駁欲黜落復降為第四等設科以

來止吳正肅與子瞻入第三等八年六月十七日英宗

未改詔今歲應制科舉人趙高等十七人權罷將來科

場使赴祕閣就試英宗治平元年八月二十一日命

天章閣待制司馬光直史館邵亢直集賢院韓維祕閣

校理錢藻就祕閣考試制科光等上范百祿李清臣論

各六首君一為君德禮以本民性五經簡易道體九月十

二日帝御崇政殿試賢良方正能直言極諫祕書省著

作佐郎范百祿晉州和州縣令李清臣制策曰自昔欲

治之主曷嘗不進圖賢材以共論天下之務哉終之名
發事施以傳休于無窮朕甚慕之近代設策士之科而
失取人之實所問或非要而所言未必所合至使遷忠
憤之極論角靡曼之虛文情鬱事遼上下相失曾何大
道之補焉朕享國之日淺永惟任大而守重欲聞讜直
之言以鑒不逮而未始云獲子大夫褒然應書其考於
往古而不迂質諸當今而易行為朕端思而茂明之夫
天人之際災祥各緣類而至也故至治之時必有休符
發為星辰雨露草木鳥蟲之祥皇極之建乃六沴並
作害于民而君人者儻不思復天變則遂至諄繆而不
可扶持此皆前世已然之效也朕即位以來非不歌鍾

狗馬之虞與夫家女寵爵賞賜之過也迺二月乙巳大風晝見四月丁未白氣起西方丁丑太白晝見經天八月庚寅大雨霪京師半年之間鉅異四發豈朕不恭不忱不決不達之致與是以夙夜顧省厥愆之靡寧也矧今吏治之未醇民風之未厚官溢而濫入之原未塞兵衆而選用之法未精工作淫巧於都中豪右僭侈於公上田野雖加闢而農有飢寒之患關市雖弛禁而商無賈貨之通豈不欲人蹈名節而廉耻常不立豈不欲人遠刑罰而抵冒常不止將以六政八疵察迹夫忠邪之端則悼不能以情見以七教三法化陶乎善惡之類則患不能以家撫來遠臨人節礼曷為異同之論生利事

神保民豈無後先之旨設飲于鄉以歲行之使知有恭
老悌長之節古獨以為宜乎飲穀于社以時發之使知
抹貧恤荒之政今獨以為難乎宋景一言而勝妖書朕
下罪己之詔甚祇懼也而未有轉禍之感漢宣終世以
核名實朕發責吏之書甚丁寧也而未有飭職之應昔
仲舒之推災異專治春秋之學劉蕡之對闕失深陳社
稷之計遠鑒百王興壞之所繇近慕四聖功業之所就
何道而適世變何修而當天心予大夫其思銷異致祥
祛弊起治之術熟之復之毋枉執事以稱朕詳延之意
焉百祿等策並考入第四等詔百祿為祕書丞清臣為
祕書郎

以上國朝會要 宋史選舉志治平三年命宰
執舉館職各五人先是英宗謂中書曰水滌為

火言往事者云各在不進賢何也歐陽修曰近年進賢
路狹往來一館有三路今除其二矣龜陽士高一路也
大上皆得試第一及第不十年有至輔相者今第一年
以兩任方薦舉即召試今以下上簿候缺人乃試塞矣
往時大臣薦舉有因差遣例除者半是年磨老病之人
舉所塞矣昨有因差遣例除者半是年磨老病之人
臣等謂蔡延慶以下凡二十人皆令召試宰臣以人多
難之帝曰既委公等舉之苟賢豈患多也先召試蔡
餘等十人神宗熙寧二年十二月九日詔今後科場制
科人第三等進士第一人及第者第一任回更不與陞
通判差遣及不試充館職並令審官院依例與差遣
餘依嘉祐二年詔書三年八月二十三日命翰林學
士司馬光直舍人院呂大防集賢校理孫洙李清臣就
祕閣考試制科光等上呂陶錢勰孔文仲張繪論各六

求

讜
下疑有
脫誤

首時先王上礼四日上御崇政殿試賢良方正直言極諫太常博士呂
知祿郊祖宗不報如何天剛不失九月二十
陶殿中丞錢鏐台州司戶參軍孔文仲太廟齋郎張繪
制策曰在昔明王之治天下仁風翔洽德澤汪濊四序
調於上萬物和於下兵革不試刑辟弗用內則俊賢居
位以熙于王職外則夷狄向風以修於歲貢建皇極以
承天心歛時福以錫民庶然後日星雨露鳥獸草木効
祥荐祉書之不絕朕甚慕之其何術以臻此歟朕承祖
宗之業託士民之上明有所未燭化有所未孚而任太
守重艱于負荷故詳延魁壘之士思聞讜之言以輔不
逮庶幾乎治蓋人君即位必求端于天而正諸己惟五

事得其常則庶政協其應朕享國以來靡敢自肆而和氣猶鬱災異數見迺元年日蝕三朝洎仲秋地震數路而冀方之廣為災最甚豈朕弗德之至歟夙寐晨興思其所以是故圖講政務則日致中吳而猶多苟簡之習然蒸進人材則官無虛假而頗乏績用之美種羗非不懷徠也而邊候或時繹騷以至臨遣輔臣懔明神武蒸民非不愛養也而生業或未孚富以至外馳使者宣布惠教國用雖節而尚煩於調度兵籍雖衆而未精於簡稽寬關梁之禁而商靡通損器玩之巧而工弗戒夫風俗浮薄根於取士之無本道教之不明而詢臺閣之論所執者不一豈無救弊之道焉刑罰煩重出於設法之

多門訟襲之不革而將加恩仁之政使死者少緩必有
可行之術焉予欲興乎七教兼乎三至以底聖人之道
則宜條其先後之次予欲明乎六親盡乎五法以極天
下之法則宜叙其本末之要乃至仲舒之言班固為切
於當世其可施於今者何策崔寔之論范曄謂明於政
體其有益於時事無以謂古人陳迹既久而不可舉無
以謂本朝成法已定而不可改惟其改之而適中舉之
而得宜不迫不迂歸於至當書曰言之非艱行之惟艱
子大夫其悉心以陳朕亦不憚於有為焉 文仲所對
策考入第三等手詔殿試所初覆考詳定到調字號卷
子定為第三等詳觀其條對大抵尚流俗而後是非又

毀薄時政援正先王之經而輒失義理朝廷比設直言
極諫之科以開廣聰明來天下賢智之士者豈非謂能
以天下之情告上者謂之直言人君有污德惡政而能
忘其卑高之勢以道爭之謂之極諫者乎此人學識恐
不足收錄以感天下之觀聽可別具進呈既而詔流內
銓告示文仲發赴本任陶升一任堂除差遣繪堂除判
司簿尉總不入等文獻通考王山汪氏曰范子功亦入
第三等以忤王六年八月二十一日命權御史中丞鄧
安石特旨絀之館直舍人院許將集賢校理劉攽館閣校勘黃履為考
試制科七年五月十四日中書門下言勘會策試制
舉并以經術時務今進士已能辭賦所試事業即與制

科無異於時政闕失即諸色人自合許上封論其賢良
方正等科自今欲乞並行停罷從之先是中書條制所
漢唐以來豪傑多自此出行之已久而不罷制廢上曰天
下事可罷而未及如此者甚衆此恐未遑改革呂惠卿
曰制科止於記事誦非義理之學一應此科或為終身為
學之累朝廷記事更之則積小治可致大治不須更有
所待繼而秘閣考試所言應制科陳瓘古制科以來空
疎未有如彥不考蓋自秘閣考試制科亦自
此罷文獻通考石林葉氏曰富公以茂材與等登科
後召試館職以不習詩賦自富公始至蘇子瞻又去策
遂為故事制科不試詩賦自富公始至蘇子瞻又去策
罷制科其遂廢初哲宗元祐元年閏二月二日侍御
史劉摯言乞貢舉進士添詩賦復置賢良茂材科新科
明法添兼經大義及減人數詔禮部與兩省學士待制
御史臺國子監司業集議聞奏所有將來科場且依舊

法施行 二年四月二十六日詔制科之設舊矣祖宗以神聖文武繼繼承承設六科之選據三道之要以網羅天下賢雋百餘年間號稱得人先皇帝興學校崇經術以作新人材變天下之俗故科目之設有所未遑今天下之士多通於經術而不知所學矣宜復制策之科以徠拔俗之才裨於治道蓋帝王之道損益趨時不必盡同同歸于治而已今復置賢良方正能直言極諫自今年為始今尚書侍郎兩省諫議大夫以上御史中丞學士待制各舉一人不拘已仕未仕以學行俱優堪備策問者充仍畧具辭業繳進餘依舊制 七月四日詔自今制科入第二等并進士第一人及第並除承事郎僉書

節度或觀察判官廳公事或知縣代還升通判任滿與
試館職制科入第四等除兩使推官代還改次等合入
官第四等次除初等職官任滿除兩使推官有官人比
類取旨 十二月二十三日礼部言今來初復制科其
舉官遇科舉許收接投試人文字限省試前十月先奏
姓名到闕及前一年十月奏舉並須於狀內明言以學
行俱優堪備策問仍具辭業策論五十首繳進今欲依
舊制試論六首御試策一道從之 三年正月十二日
詔幕職州縣官雖未經考聽舉賢良方正能直言極諫
科 九月八日御史中丞孫覺戶部侍郎蘇轍中書舍
人彭汝礪祕書省正字張績考試應賢良方正能直言

極諫科覺等上謝悰論六首論題二十四日上御集英
殿試賢良方正能直言極諫謝悰制策曰朕以冲眇奉
承先帝遺緒託于士民之上燭理不明涉道猶淺嘗下
不諱之詔詢于芻蕘親臨便殿策訪多士而未有魁壘
拔出之材殊無倣儻之論以開朕之耳目也深惟賢良
方正之士曠歲不舉明詔執事存其所知拂巾衽褐進
者十輩待問于庭子大夫一人而已朕甚嘉之其精乃
心以聽朕命蓋聞正己所以治人得人所以立政自朕
即位于茲四年夙夜兢兢罔敢逸豫臨朝默非礼不動
歌鐘狗馬子女玉帛之玩未嘗適也朕之自治亦庶幾
寡過矣而風俗不加厚何也登延老成搜訪幽隱其未

得之側席以待其既得之委已以聽人望所在收拾無遺朝廷之官殆無虛位朕之求人亦庶幾有得矣而政事不加飭何也輕徭簡役責已施惠欲以裕民而百姓之力未寬罷不急之務損無名之費欲以豐財而公私之用益屈吏不勝其冗選部補授至三人共一官刑不勝其煩歲報大辟至五十餘數二者祖宗以來所未嘗有甚可駭也以至四方水旱之災連歲代有冬春嘗寒之異京師為甚河失故道迨今未復陰陽之沴既如彼民羗擾邊士不得息交趾邀地溪徭弄兵震以威則易玩懷以利則無厭夷狄之患又如此豈朕施設悖繆失其統歟抑任賢使能未得其理歟不然俗固不變變弊

固不可革歟何其為日久而見効遲也孔子曰百年可
以勝殘去殺又曰必世而後仁又曰三年有成今言其
時則過之矣豈聖人之言有不必然者歟以堯之為言
內則有丹朱外則有共兇其下則有瞽象洪水泛濫百
姓艱食禽獸逼人苗民為虐然則聖人之德亦有不可
為者歟子大夫明天人分際通帝王制作凡今之不逮
于古必知其原所以救之必有其術其為朕詳言之至
於九德九驗以知人材九賦九式以制邦用清心省事
果省官之本乎參辟刑書果救世之要乎自國朝至今
河流遷徙幾歲而一決視漢孰為踈數以天下之大歲
斷死罪率幾口而一人視漢孰為多寡生齒之數郡縣

六月是
六年

之地以今視古孰為盛衰以至孔明之破羗戎諸葛之
服夷衆威懷禽縱其術如何條次其名數指陳其得失
使朕聞所未聞見所未見直諫多聞之益非子大夫而
誰哉悉意以陳毋悼後害朕將親覽焉所對策考入次
等賜進士出身除初等職官 五年十月四日詔今次
奏應舉制科日限且依舊制限十月終 六月八月祕
書省考試應賢良方正能直言極諫上王普司馬禎王
當論各六首因民常而施教以蒙養正漢行先王之政
大教在通人情人主權衡二劉學通南北
試日及九月八日上御集英殿試應賢良方正能直言
差官賜極諫左宣德郎新知瀘州合江縣事王普河中府司理
參軍司馬禎眉州眉山縣布衣王當制策曰皇帝若曰

蓋聞昔堯舜誠身明德以化天下故族姓百官惇勵於
內庶邦黎民和應於外爰及海荒無知之俗罔不祇率
是以天地應之四時和平生物茂遂民無凶札刑措兵
寢用不犯于有司嗚呼曷其盛歟朕甚慕之朕以寡昧
獲承祖宗之休緒永惟天下之重治安之久不可以忽
思所以事天保民之道潔泰玉帛以奉郊廟尊有德詘
凶佞飭躬勵行敬修而力行之庶幾前王之効以圖稱
太母茲訓于今七年矣而未克有獲乃五月朔日有食
之陰陽不調水旱並作吾民飢墊父子流散朕甚懼焉
往數敕州縣崇施惠平力役務以厚農今田甚闢而民
食不足役甚省而民力不給寬刑罰多赦宥而歲斷獄

不哀于前損金帛棄土地厚之以德信而蠻夷猶侮邊
不寧百吏簡惰考績無實風俗媮靡士節不勵朋黨蘊
伏衆正猶豫嗚呼何志勤而功盤若茲乎以視前王朕
甚惡焉意修己之未誠歟將施之不得其要歟抑亦遇
時今非古歟其猶可以庶幾乎昧旦而興輟食以思若
涉大水未知攸濟故深詔中外博舉方正直言之士親
訪于朝子大夫通於天人之要明乎事物之變皇帝王
霸之異尚道德刑政之殊用既熟於胷中矣其為朕究
言其所以失得者具以經對周之極之明諭其方無得
高言以為夸誕無諱有司以悼後害若夫人道先五而
不及民九經不同而行以豫至治之道極於賞罰天下

之將至於權術為國家者不可不先知必有精理可得聞乎漢魏而下其議考課中正之法衆矣與夫正論寬嚴之辨昌言損益之要有於今而可以抹失者各條陳之朕將親覽焉王普所對策初考第四等次覆考第四等詳定從覆考司馬禎初考第五等覆考第四等次詳定從初考王當初考第五等覆考不入詳定從初考詔王普遷一官除僉判差遣司馬禎特賜同進士出身堂除初等職官王當初特堂除簿尉 七年五月十一日詔祕閣試制科論於九經兼經正史孟子楊子荀子國語并注內出題其正義內毋出 紹聖元年五月二十三日翰林學士承旨曾布等奏看詳到應科人辭業三人

並優長五人並次優七人並平常詔次優已上人召試

八月十五日以御史中丞黃履中書舍人朱服左司

郎中劉定祕書丞李昭玘並赴祕閣考試應賢良方正

能直言極諫履等上張咸等論各六首

辭得萬國之歡心謹事成六德

闕餘二十三日三省進呈祕書省考試到賢良方正直言

極諫科陳賜等四人內第二名趙天啟考中第四等上

曰天啟累上書言事狂妄豈可令就試初諫官翟思嘗

言天啟無行又嘗經尚書省訴元祐三年閣試考中第

五等合直赴殿試為大臣沮抑極詆當日考官出題非

是又屢投匭獻書書奏不出有旨令鼓檢院不得收接

文字翌日上謂章惇曰趙天啟嘗上書極狂妄朕始欲

令羈管又思之不欲如此恐阻塞言路所以只令不收
文字至是祕書省奏號名在選中特旨黜之會御史井
亮采亦言其凶險上曰此衆論不與爾 九月八日上
御集英殿試賢良方正能直言極諫劔南西川節度推
官華州州學教授張咸右通直郎吳儔布衣陳暘制策
命權吏部尚書王震吏部侍郎楊畏中書舍人林希國
子司業龔原右正言張商英祕書正字葉儔考定所對
咸儔賜中第三等以咸為宣德郎與僉判差遣儔升一
任暘除初等職官並與堂除 十二日三省言試制科
張咸吳儔陳暘三人第三等推恩上曰前日觀所試策
亦與進士策何異先朝嘗罷此科何時復置章惇等對

曰先朝初御試進士策即罷制科元祐二年復置誠無
所補初舉得謝悰次舉得王當司馬槲等聞極踈謬上
曰極不成文理李清臣對曰在漢亦不設科遇選獲異
材或因材或因災異策問大事即臨時特召上曰今已
復進士殿試策此科既無異進士策况進士策其文理
有過於此者鄭雍對曰願其人何如爾然自來多言時
政闕失上曰今進士策亦可言時政闕失因詔罷制科
以上續國朝會要光堯皇帝紹興元年正月一日德音祖宗設
良方正能直極諫科不惟朝廷闕失得以上聞盖亦養
成士氣近屢詔内外士庶等直言朝政闕失雖有不當
並不加罪尚慮所聞未廣仰有司講求賢良方正直言

極諫科舊制條具取旨禮部講求典故一舊制科場
年春降詔九月赴試命尚書兩省諫議大夫以上御史
中丞學士待制各舉一人不拘已仕未仕命官不拘有
無出身仍以不曾犯贓私罪人充各具詞業繳進詞業
論五十篇分為十卷送兩省侍從參考分為三等文理
通舉狀繳進優長為上等文理次優為中等文理平常為下等考試
繳進次優以上召赴閣試看詳天聖七年復置賢良方
正能直言極諫等六科召試首云皆考士節之無瑕采
鄉評之共許嘉祐二年詔舉賢良方正而下九科亦令
采察文行若不如所舉並坐舉者四年旌德縣尉汪輔
之已試六論過閣及殿試亦考入第四等而言者以無

士行罷之故蘇軾有云凡預中書之召命已為天下之
選人然猶使御史得以求其疵諫官得以攷其素一臨
清議輒為廢人蓋國家自昔制科取人中選之後多至
大用其攷察之嚴不得不爾今朝廷設科之所取固不
在於文記問而已欲乞今後遇有應賢良方正能直言
極諫科並須尚書兩省諫議大夫以上御史中丞學士
待制三人奏舉先攷其素行無愧於清議然後召試舉
非其人者坐之欲將今來條具指揮並依舊制施行一
閣試一場論六首每篇限五百字以上成差摺書祇應
題目於九經十七史七書國語荀子楊子管子文仲子
正文及注疏內出內一篇暗數一篇明數如紹興元年

閣試舜得萬國之驩心論出史記樂書舜彈五弦之琴
夫南風之詩者生長之音也舜樂好之詩而天下治云云
得萬國之驩心故天下治也此謂時數所引不盡為粗
事成六德論出毛詩皇皇者華
四通以上為合格仍分
五等八四等以上召赴殿試有論引上下文不盡上階文
所引不盡謂之粗差翰林學士兩省官考試于祕閣御史臺官
監試及差彌封謄錄官考訖以合格試卷繳奏御前拆
號看詳舊制兼注疎內出題今來復科之初切恐疏義
繁多士大夫鮮能通習欲乞除權罷疏義出題外餘並
依舊制一殿試皇帝臨軒制策一道限三千字以上自成
試卷用表紙五十張草紙五十張舊制宰相撰題紹聖
特命翰林學士依進士殿試有初考覆考詳定官赴試人
士林希撰題

引見賜坐殿廊兩廂設重簾幃幕青褥紫案差指書祇

應舊制差內侍賜茶菓仍謝恩對策先引出處然後言事第三等為

上等四等為中等第五等為下第四第以上係制科人

第五等進士出身不入等與簿尉差遣天聖七年故事

第一等進士授大理評事第二等進士授或知縣一任滿與通判第四等進士

合入官第五等進士授或知縣一任滿與通判第四等進士

令錄一任四兩使職官以上並為白身人授有官人應中取

旨比類推恩四等以上並轉一官各陞擢內外差遣看

詳嘉祐二年詔書其初中選所推恩命別加裁定厥後

須視才能否差次進用不得更援舊比無名超擢詔疏

義出題及撰題官臨時取旨其將來考校中選推恩依

天聖景祐年故事餘並依舊制并禮部看詳到事理施

行宋史選舉志初復館職是時凡預詔者學士院試時務策一道天子親覽焉然試是時校書多不試而正字或試或二年正月二日詔曰朕續承基緒若涉淵水夕惕

晨興焦勞願治永惟萬事之統慮失厥中納諫求言思補闕失尚懼圖回康功未之獲也乃復考西漢元光之詔憲本朝制舉之文爰命攸司講明其舊益廣求賢之道庶幾方正博洽之士英偉拔俗之才進繇此塗敷陳謏言有補當世之務以輔予治豈特修故事崇虛文而已也祖宗以來百餘年間嘗以此科獲致豪俊有顯聞於天下矣朕方求才以濟艱難之運尚期得人遠追前烈庶亦無愧於斯焉今後科場復置賢良方正能直言極諫科自尚書兩省諫議大夫以上御史中丞學士待

制各舉一人不拘已仕未仕以學問俱優堪備策問者
克仍具本人詞業繳進以問衆賢史選舉志紹興二年詔
科一遵舊制自尚書兩省諫議大夫以上御史中丞學
士待制各舉一人凡應詔者先具所著策論五十篇繳
進兩省侍從參考之史分爲三等國語荀楊以上召赴秘
閣試論六首有侍從九經十考七史七書國語荀楊以上
出題等學士兩省官考校御史監之四通以上爲合格仍
分五等第八等以上考校御史監之四通以上爲合格仍
視廷試第五等爲下視廷試第四人賜進士出身不制等
者與簿尉差遣已仕四年三月十一日詔曰漢策賢良
者則進官與陞擢
博究天人之學唐分科目廣收卿相之才爰及本朝亦
循前軌咸平立制繼傳而至仁宗天聖臨軒一舉而得
富弼肆英髦之輩出考名迹以相望迨今論世之隆最
號取人之盛願予纂紹履此艱難思貽則之永圖悼設

科之久廢間嘗下詔俾復舊章迄茲三歲之期靡覩一
人之舉豈眇躬涼薄無能徠天下之賢將俗學湮淪未
克振斯文之敝屬當秋試申命春官徧咨侍從之臣別
進多聞之士采鄉評而無玷必先行誼之修訪時務而
可稽斯取藝文之富觀其素業待以規程庶因選擇之
公獲親治安之策惟爾羣雋體予至懷 七年二月九
日詔曰朕以寡昧御艱難之統明不能燭德不能綏思
聞讜言以輔不逮迺稽舊章設賢良方正之科而歷載
茲茲未有應令豈朕菲德不足以來四方之賢歟抑搜
揚之道有未至也朕既遭家不造兢兢在疚而天戒朕
躬大陽有異氛氣四合朕甚懼焉中外侍從之臣其導

前後詔旨各舉直言極諫之士一人朕將詳延于廷詎以過失次第施行用承天意呂祉舉選人胡詮汪藻舉布衣劉度上即日除銓樞密院編修官而度不果召

十年三月二十三日詔曰朕遭世艱難臨朝願治思得一時俊傑博古通今質直忠謹之士講求治道以成當世之務乃遠稽漢唐之遺文近循祖宗之舊制屢下詔書開賢良方正之科將加詳延冀聞至言以輔不逮十年于茲未有稱薦以名來上者豈訪求之道有未至邪何為久之而未有聞也侍從之臣其思為朕益廣搜擇以副側席之求庶幾得人追配前古以共濟於斯時宜體至懷欽承毋忽十四年三月二十八日詔曰朕以

寡昧奉承聖業夙興夜寐罔敢自暇自逸思得海內方
聞之士咸造于庭冀獲嘉言以助不逮歷載于茲而賢
書缺焉夫古之人不借才於異代而十室之邑豈無忠
信之士乎公卿侍從其為朕博選賢良遣詣公車朕將
虛心以聽待以不次庶幾異才輩出如我祖宗之時顧
不美歟 十七年四月二日詔曰國家踵漢唐舊制賢
良之科益以待天下非常之士也暨朕纂承亟議斯舉
屢詔中外博加搜訪而歷年于茲曾未有卓然為舉首
者夫何世無材豈今宇宙不復見古之人庠序招延未
備爵而不得通也公卿侍從其為朕各舉所知俾咸造
于朝朕將臨軒親試諏以治道亦庶蒙得賢之福願不

休哉 二十年五月四日詔曰朕以寡昧承聖奉宗廟
戰戰兢兢若涉淵冰永惟四方之賢良明於古今王事
之體冀獲讜言以輔不逮詔書數下越二十年于茲未
有應者豈朕所以求之之道未至而方正博洽之君子
壅於上聞與抑教之不明弗能振起之與朕甚惡焉侍
從之臣朕所親禮也天聖嘉祐詔書具在其參酌成憲
博問旁招使獲天下方聞之士以薦于朝朕將發策察
問極優崇之遇以厲賢才焉 二十三年五月一日詔
曰昔漢命公卿薦延特起之士唐設科目待遇非常之
才言備究於天人道或侔於伊呂暨皇朝之稽古建制
舉以興賢萃人物於一時軼治功於二代朕紹休謨烈

注意方聞頒詔札以屢求聞公車而未集茲當大比申
飭通臣舉爾所知擇四方之豪雋輔朕不逮應三道之
諮詢庶敷納於讜言以章明於洪業其承敦諭來副虛
懷 二十六年四月三日詔曰朕以菲躬託于士民之
上宵旰圖治罔敢康寧仰無祖宗設科目以待非常之
材所得名臣前後相望肆朕纂承遵用成憲冀聞謠議
登濟丕平然詔書屢下而未有應者豈國家招延之禮
有所未盡歟夫十室之邑必有忠信何海內多士而無
其人也抑奉吾詔者不虔不能悉心詢訪而賢良方正
之士或壅於上聞歟方今恢張庶政廣開言路適茲大
比之歲公卿侍從宜體朕意各舉所知俾造于庭朕將

世字疑已
字

虛懷訪以治道庶幾得人之効無愧于古願不休哉
二十九年三月十九日詔曰昔漢設賢科欲聞大道之
要唐開制舉以待非常之才迨及本朝參用前憲故所
得多天下豪傑之士而所言皆國家治亂之端其在當
時豈云小補朕自紹履休運旁招雋能圖治功者逾三
十年猶懼有闕下郡國者也八九詔未見其人屬當大
比之期敢廢詳延之舉凡茲邇列各為明揚俾裒然而
造庭將諏爾以當務必有所崇論欲議可行於今庶幾博
問遐觀無愧於古 三十二年三月詔曰朕屈羣策以
康濟闢數路以詳延參稽歷代賢良之科冀得天下方
聞之士願歲月之寢久亦詔旨之屢頒曾無卓爾之才

來副褒然之舉豈器業之茂有慚於古抑招徠之道未
備於今惟予侍從之臣宜廣搜揚之術使異人輩出無
愧漢唐之時庶治具畢張盡復祖宗之盛其體予意毋
怠欽承以上中會要壽皇聖帝乾道元年三月二十六日詔
曰朕祇迪先猷參稽古制設賢科而取士自漢已然繇
制舉而得人我宋為盛豪英輩出名迹相望欲議著乎
當時豐功顯於來世凡信史之所載視歷代而有光肆
纂紹於丕基期奉遵於成憲思得天下方聞之彥咸使
在庭極陳國家治亂之原以輔不逮屬當大比中飭通
聯選于衆以明揚舉所知而程奏庶聞論有補治功咨
爾攸司體予至意今歲科場其令尚書兩省諫議大夫

以上御史中丞學士待制各舉賢良方正能直言極諫

一人仍具詞業繳進以聞立文獻通考景德昌言為六國初嘗

皇帝時李景請依景德故事親策賢良秘閣亦為論專取

與觀其博不若取其史傳注疏乞不條問帝亦為問隱

景德六科定為制科之目明世宗御監以上補闕政又詔以

朝官增置書判拔萃科高蹈邱園科監沉淪草澤科內外京

異等科總為十科並許布衣應詔於是何詠富弼余靖材

尹洙蘇軾張方平江休復張伯玉輩出焉其立法寬有故

得士廣也自紹興復科三歲下詔一輩出焉其立法寬有故

益介魁至若豪傑之士出應求書不廣治之世無其人耶

請參稽前制問而應之者難求之書不廣治之世無其人耶

積年委靡之氣追復天下聖權於正廣文出題其僻書注疏不

學官議之皆曰氣注疏誠可治不難立也上詔禮部集館職

處山林滯連避送從之臣豈能盡知伏見國初制科

止冷監司守臣解送乾德中臣豈能盡知伏見國初制科

請應若依乾德故事恐起二年六月七日臣僚言自建

使倖請如國初之制詔可起二年六月七日臣僚言自建

災南渡以來每三歲大比聖詔丁寧命以制科薦士如承平之舊陛下纂承鴻烈遵而勵失歷載亦已久矣猶未聞有一人應書者竊意責之至備而應之者難求之不廣而來者有隔故爾欲望參稽前制間歲下詔權於經史諸子正文出題其僻書注疏不得以為問目追復天聖十科開廣薦揚之路詔禮部集館職學官同議以聞禮部侍郎周執美等參議以切見國初制科止令諸州及監司解送乾德二年又議以無人應制下詔許直諸州聞及諸應令若舉乾德二年又議以無人應制下詔許直諸州心或恐浸成煩濇不若倣國初之制少加研的許用侍從薦舉或守臣監司解送及權能注疏出題今日搜揚之舊制庶幾真才寔學不致遐遺而有以副今日搜揚之意從四年三月二十三日詔曰益聞自漢以來衆建科目網羅天下之士而賢良文學寔為之首本朝襲其制

卷一百一十五

二

增重選元臣碩輔繇此塗進十五六焉太上皇思得其
人屢下明詔於四方朕率而行之曾未聞褻然為時而
出者嘗與議臣深求其故以為學有原本則不貴太泛
故畧注疏之命題身在幽隱則無繇自達故許監司守
臣之勸駕抱負器業者庶幾不墜於上聞矣適茲大比
肆命執事博問旁招有能應朕所加將延納而尊顯之
今歲科場其令尚書兩省諫議大夫以上御史中丞學
士待制各舉賢良方正能直言極諫一人仍許監司守
臣解送具詞業繳進以聞布告中外體朕意焉五年三
月六日詔應賢良方正能直言極諫科眉州布衣李廩
詞業今繳進

用翰林學士注
應辰之薦也

十二月二十五日禮部言

李屋詞業已經御覽詔特令來年三月依格召試中書
臣僚言李屋詞業未嘗參考而久止一名召試恐非與
故詔兩省侍從官參考其後戶部尚書曾懷等參
考援證既詳遺詞亦贍七年四月四日詔曰蓋聞制科取
欲為次優詔中書召試人盛於兩漢然或陰陽靡調或以方內靡安乃勅郡國
舉而行之本朝則不然無事而勤求有為而獲用上下
交應為後世法肆朕紹服于今十年詔書數下懇懇懇
懇問復畧傳註寬舉薦幾以招徠脩潔博習之士輔朕
不逮屬者有司嘗以一二應書既命待詔公車矣歲當
大比其博求之夫寤寐忠言寧厭序多士抱負器業或
患序無時朕之誠意子大夫其著聞矣來游來歌以矢
其音不在此時今歲科場其令尚書侍郎兩省諫議大

夫以上御史中丞學士待制各舉賢良方正能直言極

諫一人守臣監司亦許解送仍具詞繳進以聞初宰臣奏降詔

上曰數十年未有此選者虞允文等曰昨李廌已得旨召試或有與其父素不相樂聲言欲沮之廌以此乞隨

侍之任得旨已許其請上曰召試上可以召試矣允文又言昨紹興與指揮春降詔九月召試上因令其九月試中

九月二十七日命翰林學士王曠起居舍人李彥穎就

中書後省考試參詳制科曠等上李廌論六首明主有必治之

道場法三聖人者天地之心律歷更相十月二十七日

禮部言檢照祖宗故事策試賢良方正即無唱名之例

今欲候初覆考詳所考定等第繳奏再付朝廷取旨推

恩從之二十八日御藥院言已降旨應賢良方正直

言極諫科李廌令赴殿試契勘御試舉人唱名畢其正

奏名進士第一甲策文並寫作冊進御并進德壽宮及
焚進諸陵今李廔策文伏乞指揮詔依例修寫 二十
九日權禮部侍郎周必大言初復制舉事體至重欲斟
酌是日駕坐文臣常參官以上考試六論官貼職祕書
省官並常起居訖依舊就殿門外祇候宣召即入從之
十一月四日上御集英殿試賢良方正能直言極諫
李廔制策曰朕承太上之詔謀紹祖宗之丕緒宵衣旰
食十年于茲矣日與一二大臣圖回治道興起治功庶
幾無負付託之重然躬節儉以先天下而侈靡之俗尚
衆持公正以杜羣枉而阿私之習未革富國在所先也
也理財或未盡其術強兵亦所急也軍政或尚多宿弊

非不遴選守令而未聞撫民有方盡如古循吏非不廣
求將帥而未見智勇兼備盡如古名將田野雖闢倉廩
尚虛法令雖明犯法多有夏秋以來雨不時若江湖數
郡民多乏食救荒之政何施而可使無流離失業之患
國家經費多資煮_海之利比緣江湖歲事不登而摧貸
所入頓減常歲懋遷之術何為而可使商賈通行以足
軍士之須論役法之未善者非一日其法孰為最善言
楮幣之為弊者非一端其弊何以拯救是數者皆今日
之急務朕所樂聞也今子大夫褒然而起副朕久虛之
選朕甚嘉之其盡心悉意以陳毋忽屋策考入第四等
賜制科出身 五日禮部言策試賢良方正即無唱名

之例若照倣逐舉進士皇帝御殿推恩足以彰崇儒求
言之盛從之先一事體尤重雖不唱亦須引見受賜至是
其從七日詔今月八日御殿賢良方正推恩依逐次舉
人唱名例殿內賜應奉官等茶酒以上乾道會要

續宋會要

制科

淳熙元年四月十日詔曰朕惟制科之設所以待非常之才也昔我仁祖臨御親選天下士十有五人崇論宏議載在方策慶曆嘉祐之治上參唐虞下轡商周嗚呼何其盛也肆朕纂紹洪業側席茂異深詔執事搜聘來上冀聞切直輔朕之不逮十有三年于今應書者蓋鮮豈朕詳延之禮未至歟抑人材之多寡自有時歟不然何望吾仁祖之盛而莫及也夫士之韜藏器能考槃巖穴者固耻於自獻非吾公卿明揚而歷選之則奚繇進詔下其各以所知對朕將親策于庭收得人之效焉今歲科場其令尚書侍郎兩省諫議大夫以上御史中丞學

士待制各舉賢良方正能直言極諫一人守臣監司亦
許解送仍具詞業繳進以聞 二年閏九月十八日翰
林學士王淮兵部侍郎兼直學士院周必大舉眉山布
衣李塾堪應賢良方正直言極諫科 三年五月六日
台州守臣趙汝愚舉宣教郎姜凱信州守臣唐仲友舉
迪功郎鄭建德堪應賢良方正能直言極諫科詔以其
詞業令省侍從官參考聞奏周必大李燾為有妨嫌與
免參考 九月二十五日吏部侍郎趙粹中舉亳州布
人馬萬頃堪應賢良方正能直言極諫科詔粹中繳進
詞業 四年三月八日吏部尚書韓元吉等言舊制賢
良詞業繳進送兩省侍從參考分為三等文理優長為

為上等次優為中等平凡為下等考訖繳奏次優以上
召赴闕職臣等參考得李塾姜凱鄭建德馬萬頃詞
業為次優詔並令中書召試 七月八日中書後省言
昨未詔試止係李塾一名宣差制舉考試官一員參詳
官一員今召試四人稍多欲於參詳官內增差一員比
附省試差知等舉官例臨期特降御筆點差仍差封彌
謄錄對讀監門官各一員其巡鋪官於入內內侍省差
引試前一日宣押入院詔試所止就後省餘並依 二
十四日中書後省言本院官吏將來引試賢良方正緣
就試負數增多欲乞以十日開院於引試前二日錄院
詔錄院引試開院通限六日八月十九日詔以二十五日引試

應賢良方正能直言極諫科李塾姜凱鄭建德馬萬頃
命中書舍人錢觀臣為制舉考試官太常少卿兼崇正
殿說書齊慶胄左司諫蕭燧並為參詳官宗正寺主簿
胡南達為監封彌官大理寺主簿陳資深為監謄錄官
武學諭王蘭為對讀官論六首一曰因者君之綱二曰
易教家之傳孰優三曰前世歷法多差四曰十二節備
如何五曰王學本賈氏六曰動靜繁寡如何二十六日
詔制舉六論已權罷注疏出題可以五題通為合格先
是監察御史潘緯言制舉以待非常之才漢唐素重茲
選聖朝尤號得人如富弼張方平蘇軾與其弟轍皆由
此科進既號大科欲孚衆望必鄉評共許士行無瑕無

愧斯名始可應此舉陛下崇尚科目獎拔人才舊制命
尚書兩省諫議大夫以上御史中丞學士待制各舉一
人今許用待從薦舉或守臣監司解送舊制試論於經
史諸子正文及注疏內出題今已權罷注疏皆所以誘
其來也竊謂應是選者一繳進詞業二試六論三對制
策所謂繳進策論共五十篇類多燈窻著述之文策限
三千字以上雖曰無所不問以改博通之識亦豈無平
日備對之語唯是六論於注疏命題人以為難况此一
場謂之過閤乞尤當加意今引試有日若據令再於注
疏出題亦已何及如依舊制以四通以上為合格則與
應進士舉一場試經義五篇者何異臣愚欲六題皆通

方為合格之選則其得之也榮故有是命 四年三月
十日詔曰朕為乾德興邦咸平熙歲天聖御圖之始紹
興復古之初皆設制科博詢讜論粵于涼德欣慕前規
茲當貢舉之秋仍下方聞之詔翹翹其楚冀賢雋之無
遺諤諤而昌抑家邦之有賴咨爾闔臺之彥暨夫獄牧
之官或薦進於中朝或搜揚於外服俾摠所蘊陳古今
致治之原將策于廷振臣庶敢言之氣毋借才于異代
庶復德於我家布告多方明知朕意今歲科場其令尚
書侍郎兩省諫議大夫以上御史中丞學士待制各舉
賢良方正能直言極諫一人守臣監司亦許解送仍具
詞業繳進以聞 八月二十七日中書舍人兼侍講錢

良臣等言準敕考試制舉試卷四號臣等依準近降指
揮以五題通為合格今考到試卷內多有不知題目出
處又引用上下文不盡止有僅以二通者詔並賜束帛
五年八月三日臣僚言國家設制舉必先試以六論雖
注疏悉皆命題以觀其博洽今乃去注疏命題謂宜復
其舊有詔令禮部監學官看詳既而條具欲從所請并
檢照祖宗朝自天聖八年試富弼等至元祐六年試王
普等間試六論並出經題一篇或兩篇方雜以子史注
疏今六論欲依故事出經題作第一篇然後雜出九經
語孟內注疏或子史正文題目從之 七年三月十日
詔曰蓋聞求賢能尚忠直此二帝三王所由昌也朕承

太上慈訓託於王公之上常懼不逮亡以紹休聖緒夙
夜興念宣招四方之士而官使之永惟通儒明於古今
王事之體朕所嘉尚乃即位以來詔書三歲一下而應
是選者未能盡當朕意豈詢求之未廣而考擇之法或
嚴耶將朕誠意未孚而真賢實能莫為時出也且望之
重則責之宜備待之異則取之宜精中外侍臣若部使
者郡守國家所賴以廣聰明美治化將何以助朕闢四
門采衆善哉其各悉心搜選俊異以名來上名儒茂才
有能稱吾詔者當崇顯焉今歲科場其令尚書侍郎兩
省諫議大夫以上御史中丞學士待_制各舉賢良方正能
直言極諫一人守臣監司亦許解送仍具詞業繳進以

聞 十年三月十日詔曰朕惟招尊方正賢良文學之士
帥舉直言漢唐之君所以稽參政事咨訪闕遺達民心而通治道洪惟祖宗率繇斯義朕祇若前憲詔書比
下充賦蓋闕昔漢策昆錯董仲舒對者以百數唐舉姜
公輔等所取二十五人國朝異人輩出視古為盛今朕
思政求賢歷載彌長效未云獲其故安在豈德薄道寡
化不下究賢人君子鬱於上聞旰食宵衣以廣宣厥
道宜遵近制特俾詳延庶收茂才以鑒不逮成朕虛已
勤求之意今歲科場其令尚書侍郎兩省諫議大夫以
上御史中丞學士待制各舉賢良方正能直言極諫一
人守臣監司亦許解送仍具詞業繳進以聞 十一年

六月五日詔曰朕紹履尊明宣招峻茂思得方聞之益講求治理之原越暨累年尤虛已雖賢書大比之歲每務於詳延然制舉非常之才難循於定次肆敷明旨申命通臣蓋急聞切直之言將令受策而察問宜廣選修潔之士庶幾崇化而厲賢俾悉究於昌辭非拘於前制容時群彥體我至懷今後遇有應詔之人令尚書侍郎兩省諫議大夫以上御史中丞學士待制不拘科舉年分各舉賢良方正能直言極諫一人各守臣監司亦許解送仍具詞業繳進以聞以宰執進呈祕書省校書郎奚商衡奏制科取士勿拘三年之制上曰賢良得人國家盛事故有是詔十二年二月二十六日起居

舍人兼國史院編修官兼權直學士院李燾言漢自文帝以來始有賢良之舉不過求其諫言以裨闕政未聞責以記誦之學也後世崇其科目遴其選取乃始窮以所未知彊以所不能要之舉才之意惟端正修潔是務而區區記誦之末則非所先也近年以來固嘗舉試數人止用經子諸史正文為題皆以記問不精旋即罷遣誠為踈矣後乃兼用注疏試者愈難夫前者未用注疏而不能試今復增之而欲其應詔宜乎累年于此而無有其人仰惟陛下收攬英才朝咨夕訪惟恐有關去歲嘗下明詔特舉賢良不以三歲為限甚大惠也然士猶未有以薦舉聞者良以注疏默記之難而已然臣以為

國家取人之實要不盡在於此使其才行學識如鼎重之倫雖注疏未能盡記於治道何損哉乞特加參酌令依舊降指揮免用注疏出題則士之應詔者不無其人而可得端慤有用之才庶幾上副陛下側席求賢虛懷求諫之意從之

十月八日宰執進呈池州守臣陳良

祐奏福州布衣

莊

堪應賢良方正能直言極諫科上曰

向來李廌文字頗冗雜鄭建德却善作文今安在王淮

等奏曰嘗為刪定官不祿上曰卿等看莊治文字如何

淮等奏文字亦有源流但不知記問如何一人恐不可試

上曰不必拘此可令後省看詳聞奏既而給事中葛邲

看詳治議論文詞詳而有據堪應召試詔令中書召試

十三年三月二十二日中書後省言今來召試賢良
方正能直言極諫科莊治滕歲係是二人即與昨李奎
一名事體不同乞依淳熙四年引試過李塾等前後申
請已得指揮從之五月二十五日詔以六月八日引試
應賢良方正能直言極諫科莊治滕歲命禮部侍郎兼
國子監祭酒顏師魯為制科考試官秘書監兼國史院
編修官兼太子左諭德沈揆侍御史陳賈並為參詳官
司農寺丞陳杞為監門官太常博士黃黼為封彌官宗
正寺丞宋之瑞為監贍錄官軍器監主簿王厚之為對
讀官

論六首

一日身者治之本二曰聖人通天德之心
三曰五星為經緯四曰歷術本於易五曰六德以

民為紀六曰六德以

為異之功孰大 六月十三日朝散大夫權尚書吏部

侍郎兼國子監祭酒充制舉考試官顏師魯等言今到
校到莊治滕歲試卷二號各有二題不通係不知出處
外雖有四通而文理亦多平常不應元降指揮五題通
為合格之數詔既不合格可並賜束帛 十五年二月
十八日提舉浙西常平茶鹽公事羅點言竊見平江府
布衣滕歲學問淹該行義修潔詞章博瞻明習世務昨
因守臣丘寔薦舉蒙朝廷召試六論內四題全通雖似
不逮近制報罷然較之近時應此科者記誦頗為精詳
歲自報罷之後杜門^力學益務修飭臣輒再行保舉堪
應賢良方正能直言極諫科乞賜召試其詞業昨守臣
丘崇繳進已經降付侍從考中次優詔令後舉召試
考

紹熙三年四月十五日詔曰蓋聞制科之設肇自漢世所以延特起之士致非常之功也皇朝稽古上文苑摯茂異視前代尤盛一時鴻儒輩出翼成隆平之業朕甚慕之粵自踐祚以米率循曩憲祇奉慈訓所宜旁求博舉訪以大道而歷歲于茲薦進猶缺豈詔令未申莫宣指意招徠弗僅難於自獻之故歟哉惟萬務之統兢業持守未知攸濟講議剴切緊賢是賴儻使懷才抱道鬱而弗伸將何以興飭政化紹休前躅乎茲當大比爰示明旨俾造于庭咸據謨言以正朕之不逮庶幾保邦厲俗同符帝王之治不其偉歟今歲科場其令尚書侍郎兩省諫議大夫以上御史中丞學士待制各舉賢良方

正能直言極諫一人守臣監司亦許解送仍具詞業繳進以聞 開禧元年五月十日端明殿學士簽書樞密院事劉德秀權禮部侍郎李壁言臣等於今年正月內舉永康軍布衣何致堪應賢良方正能直言極諫科許令繳進詞業今何致繕寫詞業一十冊乞令有司公共看詳取旨詔令兩省侍從官參考聞奏既而臣僚竊以名者實之賓名至而實不副是殆盜名以欺世者臣嘗歷攷自古取士惟賢良方正一科世俗之所歆艷而士心之所深重蓋非德義醇粹操行無玷不足以當賢良之名非綱毅不撓直大無私不足以當方正之名繇漢已來凡應是科鮮不為汗青所譏者以本朝蘇文忠公

兄弟文章標準一世議論橫放四海終其身無一瑕可
指其初猶曰應材識兼茂明於體用科初不敢以賢良
方正自居今有人焉持心浮薄而輕於立論媒身淺躁
而急於進冒焉居之略無愧色清明之朝詎宜有此
欺世之佞哉謹按應賢良方能直言極諫科何致初不
知其為何如人但纖進詞業詳觀所撰二十五篇其間
歷詆伊尹而併及於湯凡五六百言謂湯有心自王而
摯說之以伐夏救民謂太甲不明既放又復之使一切
惟己之聽其始負堯舜之道而終為天下閭閻犯之端
夫伊尹有商名臣孔子定書孟氏垂訓紀述稱贊照映
今古致本何人敢於詆誣庸非持心浮薄而輕於論立

者乎繳進詞業令兩省侍從參考其意蓋曰是非付之
公論咸以為可是以國人皆賢之義致乃干懇權貴封
狀遍求簽名有為臣言初不暇讀其文之為如何繼而
三人被薦已欲先試竟為給舍申省有浮競之語致不勝憤懣
呈劄輒肆怨言謂言多辭取憎疾必觸報罷乞寢已降
召試指揮若是而曰不要君臣不信也庸非媒身淺躁
急於干進者乎臣嘗恭觀高宗朝鄭厚作藝圃折衷詎
孟子有賣仁義等語臣僚論列特降指揮不得與學官
試官差遣仍下所屬臂版所以杜訕之萌也致之文學
遠不逮厚而詆毀伊尹殆與詆毀孟子同科又嘗恭觀
真宗張師德兩及王旦之門旦曰師德狀元及第榮進

素定不應兩及吾門所以抑奔競之士也致將奮身大
科富貴特其分內事何用汲汲扶貴有請師德謁時宰
於已仕之後且猶以為貪進今而視致其將謂何夫持
心浮薄而輕於立論媒身淺躁而急於干進有斯二者
故曰賢良方正非愚則誣矣謂之盜名以欺世誰曰不
然况夫議論厚薄出處靜躁關繫風俗誠為非輕乞將
致罷歸使之退自循省進德修業習尚醇厚而涵養恬
靜他日錄用未晚也從之以上續宋會要